



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Statv Religionis Christianae, Per Evropam, Asiam,  
Africam, Et Orbem Nouum, Libri IV.**

**Le Mire, Aubert**

**Coloniae Agrippinae, 1619**

Cap. XIII. De Republica Genuensi.

**urn:nbn:de:hbz:466:1-11108**

Cheronefensis, Sicchimiensis, Arcadiensis,  
& Mellipotamensis: vt ex litteris Alexandri  
Turriani, Sittiensis & Hierapetrensis Epi-  
scopi didicimus. Insulam porrò, quæ tota  
Venetis hodie paret, egregiè Bellonius libr.  
I. Observationum cap. 4. & seqq. descripsit.

Parent item Venetis Corcyrus, Iadera,  
Cephalonia, Zacynthus, & aliæ Ionij atque  
Adriatici maris insulæ: de quarum Episco-  
pis superiore capite egimus.

## CAPVT XIII.

## DE REPUBLICA

*Genuensi.*

**G**ENUA Liguriæ caput, emporium no-  
bilissimum, ad mare Mediterraneum,  
Respublica præpotens, aliquando ad  
Tanaim vsque imperij sui fines produxit.  
Nam olim Theodosiam, vulgò *Cassam*, Cy-  
prum, Lesbum, & Chium insulas, item quæ  
Peram urbem Thraciæ, ex opposito Con-  
stantinopoleos sitam, possedit. Hodie toti  
ferè Liguriæ & Corsicæ insulæ imperat. Ar-  
chiepiscopatum an. 1130. aut 1132. Innocen-  
tius II. constituit. De rebus Genuensium  
scripsere Augustinus Iustinianus, Barth.  
Facijs, Iac. Bracellius, Iacobus à Vora-  
gine, Paulus Guterianus, Petrus Bizarus,  
& omnium elegantissimè Vbertus Fo-  
lieta. Genuenses mercaturâ & nego-

tiationibus potentissimi, per omnes ferè orbis prouincias, magnum sibi nomen ac diuitias compararunt. Genuensi Archiepiscopo suffraganei sunt Episcopi,

Albingaunensis, per Alexandrum III. anno 1179. *Albenga.*

Bobienfis, in Ducatu Mediolanensi, circa annum 1132. *Bob.*

Brumacensis. *Brignale.*

Naulensis, per Innocentium III. *Noli.*

§ Marianensis, in Corsica insula. *Mariana.*

∫ Acciensis, ibidem. *Accia.*

Nebienfis. *Nebio.*

Ceterum sub ditione Genuensi in vniuersum XIII. hodie diœceses existunt, Genuensis, Albingaunensis, Brumacensis, Naulensis, Sauonensis, Intimeliensis, Sarzanensis, Marianensis, Acciensis, Nebienfis, Aleriensis, Sagonensis & Adiaciensis. Ex his sex posteriores sunt in Corsicula insula: Sauonensis autem, & Intimeliensis ad prouinciam sacram Mediolanensem pertinent: Sarzanensis verò ad Florentinam spectare solet, hodie exempta, vt volunt.

\*\* \*\*  
\*\*